

Filemon

¹ Kristo Yesuac hésa ic ni Paulo zéma ninzén ninzénac ic munana Timoteo neren ic ala soroc, ai momacnira Filemon zéma

² embac soroc, ninzén ninzén nauñnira Apia zéma Yesuac téngin ic* momacnira Akipo zéma Filemon guac amaiguc hénaorin azoroanzu ionac muru momacnec

³ Mañgocnina Anutu zéma Min Kewunina Yesu Kristoac ewa hia zéma luaenén onac muru he énécmimac.

Filemonac goi héihéiya zéma ninzén ninzénja.

⁴⁻⁵ Filemon, ni ninzén ninzénnga zéma goi héihéiga Min Kewunina Yesuac muru zéma ic téréya momac yanda neñan muru hezac imuac buña surucya niñanzua. Nimma nalé séc zéwelecnaiguc qacga qacma Anutuna ewa hia ac ézéanzua.

⁶⁻⁷ Ic muna, geñ ic embac téréya ewa qerigina mehiaru énécmianzan imuac niñac guac goi héihéiga iminéñ ewa qerina mehiaru néñu ségiségi yanda wanzua. Hénia imuac mia yomuhuc zéwelec ai meanzua; Iwawai hiabia hénia hénia ewa qerinaiguc Kristoac wamma késa kecziñ imi niñasari yacgéna, goi héihéiga

* **1:2:** Kristoac héna orin imi téngin ic ésécnec Biria mininaguc yaré qema seligima nambinac hezac.

ninzéh ninzéhga igucnec hahaya iminéj héla sasala haimac.

Paulonéh Onesimoac wamma Filemon zéwelecmiyec.

⁸ Imuac niñac, Kristoac qeriaiguc haka wambésémañac hezac imi wambésémañ niñac meefima ac selianec gézémañac séc wanzac, néh

⁹ imuhuc ménda wamma goi héihéiiguc namma zéwelec gémmañ zé wanzua. Imuac, ni ic nenña Paulo, Kristo Yesuac wamma hésa ic kekeranéj

¹⁰ nuac ninzéh ninzéhac nanna Onesimoac niñac welecgénzua. Inéh mia ni hésa qatéiguc tari imuaru nenaoc azi mema mihicñiwa ninzéh ninzéhac nañna wañec.

¹¹ Ic imi becneç guac muru enomia kerec, néh deguc imi guac muru zéma nuacmuru momacnec méra nérécmimacac séc wañecac keczac.

¹² Nuac wéiwécna keczac ic yomi méliwa lilingéma hazac.

¹³ Ic imi nena añgétiwinec buña suruc hiabia niñac wamma hésa qatéiguc tachba guac tatak késama méra némbacnec,

¹⁴ néh ewa momac ménda wambésémañiguc haka ménj ménda wammañ zé ninzua. Ewa hiawac aiganéh geñga siñgawac qahac, néh zéhinociguc wambañ niñac.

¹⁵ Ic imi nalé hotoñadac waigemma kerec imuac hénia imi, lilingéma hayu hémbénaña wag-icbésémañ niñac gezan.

¹⁶ Degucmuacnec, ic imi welenj qeçe ic qahac, néh séha imi ogicma dacmunawac séciguc wag-icbésémañ. I nuac muru eeyaguc wanzac, néh

guac muru mia séc imi ogicma séwiguc zéma Miñ Kewuninawac qeriaiguc ic héla zéma dacmuna hélawac séc eeyaguc wammac.

¹⁷ Gi nuac niñ niñna ai momacga wanzuaiguc, héihéré néñanzañ éséc héihéré miwésémañ.

¹⁸ Inéñ guac muru haka biria ménñ wajec, me taséya ménñ hegénzaciguc imi nuacmuru haina nenaoc bisidacmañ.

¹⁹ Ac tetcgia yomi imi Paulo neñ mérananéñ ozua. Nenaoc tasé imi kumañ. Geñga kekecga iminéñ nuac muru tasé éséc nec wanzac, néñ imuac hénia imi ménda zéwa niñ qeliwésémañ.

²⁰ Ic muna, Miñ Kewuninawac qeriaiguc guac murunec ewa hia mihicñimañ zé niñzua. Kristoac qeriaiguc nuac ewa qerina mehiaruna.

²¹ Niñtoho wañ némbésémañ zéma niñzéhégé gémba ewana déñ wanzac. Welecgénzua imi séha ogicma ewa hiawac wañ némbésémañ imi niñtegicma kiwi yomi ogénzua.

²² Imuhuc wamma nuac niñac ama qeria saméña ménñ qeusuñna nammac. Imi mia zéwelecgina niñac wamma niñnéñu onac muru liliñgéma hamañ niñac qerinanéñ haimambéc wanzua.

²³ Yesu Kristoac qeriaiguc nuac hésa ic alana keczac Epafira inéñ yaizézégina zézac.

²⁴ Wañu Mareko zéma Aristako zéma Dema zéma Luka zéma nuac ai momachécna ienenñ acguc imuhucyanec wañ énécmizu.

²⁵ Miñ Kewunina Kristo Yesuac ewa hianéñ qeri uñaginaguc hemac.

SISIPAC AC QELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 28 Dec 2024 from source files dated 31 Aug 2023

0403b50f-078d-52e2-a203-056e8a430665